



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vrgellen. Episcopo.

urn:nbn:de:hbz:466:1-20006

* In *Tertia* Col-
la. remedio

constiterit, per totam provinciam tuam, nostra fretus auctoritate, exhortationis hujusmodi officium interdicas; missos etiam, si laici fuerint, excommunicatio- nis mucrone percillas; si Clerici vel Presbyteri fuerint, ab officio beneficii que suspendas, nullo prorsus privilegij benefi- cio vel appellationis * refugio prava- lente. Eos verò quos in prædicta Eccle- sia lege tibi dioecesana subiecta post in- terdictum tuum divina celebrasse cog- noveris, ejusdem pœna suspensionis in- voluens, in ea, donec reconciliata fue- rit, quemadmodum sacra præcipiunt in- stituta, officia non permittas divina cele- brari. Presbyteros etiam suspensos ab Episcopis suis, & per dictos fratres ad of- ficia sua temerè restitutos, in eandem suspensionis sententiam nostra fretus auctoritate reduces. Alios verò quos ad respondendum aliis secundum legem terræ pro præmissa causa asserunt non teneri, nolumus excusari, quin eos ad respondendum sublato appellationis im- pedimento compellas. Datum ut supra.

CANONICIS NOVARIEN.

Epist. 451.
Significat se
confirmasse sen-
tentiam pro ip-
sis latam contra
Albertum Sic-
cum.
Cap. Causam.
De sententia
re iudicata.
Vide supra epist.
39. & seq.

Causam quæ inter vos & dilectum filium Albertum Siccum Clericum super præbenda Novarien. Ecclesiæ vertebatur, quæ quondam fuit venerabilis fratris nostri P. Novarien. Episcopi, de qua se dicebat idem Albertus per bonæ memoriæ C. Papam prædecessorem nostrum fuisse per annulum investitum, coram nobis diutius ventilatam, venerabili tandem fratri nostro Lauden. Episcopo de consensu partium appellatione remota commisimus terminandam. Qui, sicut ex literis ejus accepimus, utriusque partis rationibus plenius intellectis, pro vobis contra dictum Albertum diffinitivam sententiam promulgavit: à qua fuit ad nostram audientiam appellatum. Dicto igitur Alberto & magistro I. & V. procuratoribus Ecclesiæ vestræ in nostra propter hoc præsentia constitutis, idem Albertus probare multipliciter nitebatur sententiam ipsam iniquè latam fuisse, ac propter hoc debere non immeritò retractari: dictis procuratoribus vestris defendentibus sententiam, & eam petentibus confirmationis nostræ præsidio communiri. Nos igitur auditis quæ fuerant hinc inde proposita, & diligentius intellectis, habito etiam cum fratribus nostris super hoc diligenti

tractatu, licet ex parte ipsius Alberti fuisset propositum quòd contra formam mandati nostri dictus Episcopus sententiam promulgaverat, sicut per attestatio- nes nitebatur probare, quia tamen judicis animus non semper ad unam proba- tionis speciem inclinatur, & ipsa sen- tentia nihil continebat iniquum, & ei- dem iudici de communi assensu partium causa fuerat appellatione remota com- missa, qui, ut sententiam ferret, post examinationem causæ ab utraque par- tium fuerat requisitus, sententiam ip- sam de fratrum nostrorum consilio au- ctoritate curavimus apostolica confir- mare, ac eam per venerabilem fratrem nostrum P. Portuen. Episcopum diffini- vimus observandam. Decernimus ergo ut nulli omnino &c. Datum Laterani VI. Idus Decembris.

VRGELLEN. EPISCOPO.

Sicut venerabiles fratres nostri Ter- raconen. Archiepiscopus & suffra- ganei ejus suis nobis literis intimarunt, inter multas tribulationes & angustias quæ invenerant nos nimis temporibus tuis, & propter insufficientiam tuam, Ecclesiam Vrgellensem, nec possent facile propter multitudinem enarrari, culpæ tuæ illud imputari & poterat & debebat quòd cum episcopatum ipsum (ut fama testatur) minus canonicè fueris affec- tus, quod malè ceperas, deteriori exitu conclusisti; cum difficile sit ut bono per- agantur exitu quæ sunt malo inchoata principio. Verum cum tempore proce- dente mala publicarentur in terra, nec imminentibus periculis opponere te au- deres, ut tanquam murum te ipsum pro domo Israël ponens, ascenderes ex ad- verso, & in die Domini, sicut athleta Christi, fortiter dimicares, insalutatis fratribus clanculò recessisti; ut ex ipsis operibus mercenarium, qui videns lupum venientem dimittit oves, & fugit, te ostenderes, non pastorem; & ingres- sus monasterium de Aspirano ab aposto- lica sede licentia non petita, cui soli Episcoporum depositio, cessio, & translatio reservatur, Vrgellen. Canonicis per li- teras indicasti quòd propter insufficien- tiam & occultam tui corporis ægritudi- nem non posses ulterius ministrare: qui- bus, de rebus tuis condito testamento, & facta renuntiatione in scriptis, eligen- di Pontificem & providendi Ecclesiæ

Epist. 451.
Renuntiationem
Episcopatus
approbat.

suæ facultatem liberam tribuisti. Post hæc autem ad suggestionem & instantiam quorundam Militum & etiam Clericorum, te ad episcopatum denuo proprio motu reuerso, cum in parte ipsius diocesis tanquam Episcopus ministrares, Aragones & Brabancones cū vicinis Militibus in manu forti ad Vrgellen. Ecclesiam & hostiliter accedentes, eam bonis omnibus spoliarunt, pannos sericos, ornamenta omnia, calices, & cruces argentæ asportantes & parochianis ducentis & ampliùs, Clericis, & Canonicis de gremio ipsius violenter eductis, & etiã captivatis; Ecclesiam ipsam homicidiis, adulteriis, & aliis variis immunditiis feritate diabolica polluerunt. quibus omnibus propter inutilitatem tuam te opponere minimè potuisti. Porro videns his malis præuenientibus quòd Ecclesia eadem denuo ad extremam inanitionem penitus devenisset, & sentiens te ad ipsius Ecclesiæ regimen inutilem & insufficientem existere, iteratò renuntians renuntiationem ipsam bonæ memoriæ Celestino Papæ prædecessori nostro & Terraconensi Ecclesiæ per literas indicasti, & quantum in te fuit, Canonicis Vrgellen. eligendi sibi pastorem tribuisti denuo facultatem. Vnde pro his & aliis multis præfati Episcopi nobis per suas literas supplicarunt ut cessionem tuam ratam habentes, sicut etiam tu ipse à nobis per literas proprias postulasti, Canonicis sæpeditis liberam daremus licentiam eligendi. Cùm itaque secundum Apostolum instantia nostra quotidiana sit omnium Ecclesiarum sollicitudo continua, nos & necessitatibus Vrgellen. Ecclesiæ inclinati, quæ per te non posset de lacu miseræ liberari, & tam ejus quàm præmissorum Archiepiscopi & Episcoporum petitione deuidi, renuntiationem tuam urgente necessitate suscepimus, & te à pontificali onere pariter & honore, quæ secundum traditionem canonicam non sunt abinvicem regulariter separanda, sicut tu minùs providè facere satagebas, qui rejecta oneris sarcina honorem tibi retinere volebas, auctoritate præsentium de consilio fratrum nostrorum decernimus absolutum; ut in Ecclesia de Aspirano Deo valeas (sicut à nobis ex parte tua petitum) amodo deservire, facultatem tibi liberam concedentes. Nulli ergo omnino &c. Datum Laterani.

CAPITVLO VRGELLEN.

Sicut venerabilis frater noster Terraconen. &c. *ferè in eundem modum ut supra usque ad verbum* concedentes. Nolentes igitur ut Ecclesia vestra, in medio nationis perversæ posita, pro defectu Prælati maneat ulteriùs desolata, & gregi dominico diù desit cura pastoris, universitati vestræ per apostolica scripta mandamus quatenus convenientes in unum, & Spiritus sancti gratia invocata, talem vobis personam in Episcopum & pastorem animarum vestrarum canonicè præficere studeatis, qui Clero & populo sibi commisso & præesse noverit & prodesse. Datum ut supra.

Epist. 453.
Vt novum Ecclesie sue Episcopu præficiat.

TERRACONEN. ARCHIEPISC.

Sicut ex tenore tuarum literarum & suffraganeorum tuorum nobis innotuit, inter multa &c. *ferè in eundem modum ut supra usque ad verbum* prodesse. Volentes igitur ut ipsi Vrgellen. Ecclesiæ metropolitico tibi jure subiectæ per sollicitudinem & vigilantiam tuam salubriùs consulatur, fraternitati tuæ per apostolica scripta mandamus quatenus Capitulum ejus ad concordem electionem & canonicam faciendam nostra tuæque auctoritate studio siùs moneas & inducas; ne, quod absit, si eligentium se vota diviserint in diversa, Ecclesiæ afflictæ dudum major addatur afflictio, & sic contritione multiplici coneratur. Datum ut supra.

Epist. 454.
Vt curet per Canonicos Vrgellenes dignu aliquem virum eligi in Episcopum.

PISANO ARCHIEPISCOPO.

Ad apostolicam sedem, quæ disponente Domino cunctorum fidelium mater est & magistra, super diversis articulis quæstiones dubiæ referuntur, ut quod ab ea fuerit super earum solutione responsum, indubitanter ab omnibus teneatur. Ex parte siquidem tuales nuper suscepimus quæstiones, quòd cum monachum fieri ante unius anni probationem regularis institutio interdicit, monachi & moniales in tua diocesi constituti tam Clericos quam laicos utriusque sexus, sanos pariter & infirmos, religionis habitum volentes assumere, nutu etiam aliquo profitentes interdum absque omni professione recipiunt, quandoque professionem illico facientes. vnde multa mala noscuntur sæpius provenire, cum infirmi ad mona-

Epist. 455.
De anno probationis monachorum, & quatenus in cœnobis conjuges recipiantur.
Cap. Ad apostolicam. De regularibus & trans. ad religionem.